

Rehabilitacija

Liječenje malignih oboljenja kod djece je dugotrajno, kompleksno i veoma naporno u psihičkom i fizičkom smislu, kako za djecu tako i za njihove porodice. Nakon dugih terapija dječiji organizam je vrlo istrošen i iscrpljen. Osim toga mališani period liječenja provode u socijalnoj izolaciji, daleko od prijatelja i školskog okruženja. Za kvalitetan oporavak djece neophodna je psiho-fizička rehabilitacija. Nakon završetka onkološkog liječenja ljekari savjetuju adekvatnu rehabilitaciju u nekom od primorskih, banjskih ili planinskih rehabilitacionih centara. Imajući to u vidu, Udruženje svake godine realizuje projekat - rehabilitacioni kamp u kojem učestvuju izlječeni mališani, po jedan roditelj, ljekar, medicinska sestra, psiholog i animatori.

Ciljevi rehabilitacije:

- Jačanje imuniteta, opšte otpornosti i fizičke kondicije kod djece
- Osnaživanje psihološke stabilnosti djece
- Jačanje samopoštovanja, samopouzdanja, uklapanje u grupu vršnjaka
- Prevažilaženje prošlih stresnih i traumatskih iskustava a koji su u vezi sa liječenjem
- Podsticanje pozitivnosti i optimizma kod djece
- Socijalno osnaživanje djece (povoljni utjecaji vršnjačke grupe, osnaživanje za kasniju resocijalizaciju i vraćanje u matičnu socijalnu sredinu)
- Opuštanje, zabavljanje, podsticanje kreativnog izražavanja i pozitivnosti.